

Cofaceova lista 500 najvećih kompanija u centralnoj i istočnoj Evropi donosi i jednu bitnu promjenu.

Naime, slovenski Petrol postao je najveći prema prihodima na Balkanu. Tačnije, pretekao je Inu zaslugom prošlogodišnjih rezultata poslovanja.

Petrol je, naime, prošle godine ostvario ukupne prihode od 3,3 milijarde eura, 1,4 posto više nego 2013. godine.

Istovremeno, prihod Ine u istom je periodu pao 5,4 posto, na 3,16 milijardi eura. Treća na balkanskoj listi je Naftna industrija Srbije s lanjskim prihodom od 2,04 milijarde eura dok je četvrti Konzum koji je prošle godine ostvario 1,75 milijardi eura prihoda. Peti je Mercator koji je prošle godine imao prihod od 1,47 milijardi eura.

Valja napomenuti da ova lista ne donosi konsolidirane prihode za koncern Agrokor kao cjelinu koji bi, da se tako računa, bio uvjerljivo najveća kompanija na Balkanu prema prihodima.

Inače, 500 najvećih kompanija u regiji centralne i Istočne Evrope prošle godine povećalo je prihode za 2,1 posto, na 572 milijarde eura.

Za rast su zaslužna preduzeća iz Češke (7,8%), Mađarske (5,6%) i Rumunije (4,3%). Najviše kompanija na ljestvici ima Poljska (176), slijede Mađarska (73) i Češka (65).

izvor: energetika.ba